

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON / KANTON SREDIŠNJA BOSNA
KANTONALNO TUŽILAŠTVO/TUŽITELJSTVO TRAVNIK
Broj predmeta: T06 0 KT 0038196 25
Travnik, 25.09.2025.godine

OPĆINSKOM SUDU U JAJCU
-Sudiji za prethodno saslušanje-

Na temelju odredbe člana 45. stav 2. tačka i) i člana 241. stav I. Zakona o kaznenom postupku Federacije Bosne i Hercegovine, podižem

OPTUŽNICU

Potvrđena dana 06.10.2025. godine

Protiv:
L. J.

Što je:

Dana 08.06,2025 god oko 15.00 sati ispred ugostiteljskog objekta Enigma u ulici H.V. Hrvatinića, Općina Jajce, nasiljem prema dugom ugrozio građanski mir i tom prilikom jednu osobu lako tjelesno ozlijedio, te oštetio tuđu stvar, na način da je, iako svjestan radnji koje poduzima i mogućih štetnih posljedica koje mogu nastati, što je i htio, pa je dolazeći do navedenog objekta gdje je uočio oštećenoga Ž. Lj. koji je sjedio za stolom u društvu sa Č. D., istom prišao te bez ikakvog razloga, otvorenim dlanom desne ruke zadao udarac oštećenom u predio glave, nakon čega je odmah uzeo čašu sa stola, te istom ponovo zadao udarac oštećenom u predio glave i to u predio lijevog uha, na koji način mu je nanio lake tjelesne ozljede u vidu dvije rezne rane iza lijeve ušne školjke, da bi potom iako svjestan da uslijed radnji koje poduzima, može doći do ozljeđivanja drugoga pa i oštećenja tuđih stvari te pristajući na to, uzeo stolicu koja se tu nalazila u ruke i istu podigao sa namjerom da ponovo udari oštećenoga, te tom prilikom je udario u staklo objekta, koje staklo tim pokretom i razbija, nakon čega se povlači od mjesta događaja te se oštećenom obraća riječima „da sam imao pištolj sad bih te ubio,,

dakle, nasiljem prema dugom ugrozio građanski mir i tom prilikom jednu osobu lako tjelesno ozlijedio, te oštetio tuđu stvar

Čime je počinio krivično djelo Nasilničko ponašanje iz člana 362. stav 2. KZ FBiH i krivično djelo Oštećenje tuđe stvari iz člana 293. stav 1. KZ FBiH

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom